

num sempiternum erit vobis in cunctis generationibus, & habitationibus vestris: Sabbatum requietionis est, & affligetis animas vestras die nono mensis, à véspera usque ad vésperam celebrabitis sabbata vestra: dicit Dominus omnipotens.

**PROPHETIA II.**

**Lectio libri Levitici.**

Lev.  
23. f

**I**N dièbus illis: Locutus est Dominus ad Móysen, dicens: A quintodécimo die mensis séptimi, quando congregaveritis omnes fructus terræ vestræ, celebrabitis férias Domini septem dièbus. Die primo & die octávo erit Sabbatum, id est réquies. Sumétisque vobis die primo fructus árboris pulcherrimæ, spatulasque palmárum, & ramos ligni densárum

fróndium, & sálices de torrénte, & lætabimini coram Dómino Deo vestro. Celebrabitisque solemnitatem ejus septem dièbus per annum: legitimum sempiternum erit in generationibus vestris. Mense séptimo festa celebrabitis, & habitabitis in umbráculis septem dièbus. Omnis qui de genere est Israël, manébit in tabernáculis: ut discant pósteri vestri quòd in tabernáculis habitáre fécerim filios Israël, cum edúcerem eos de terra Ægypti. Ego Dominus Deus vester.

**PROPHETIA III.**

**Lectio Michææ Prophet.**

**D**omine Deus noster, pasce pópulum tuum in virga tua, gregem hæreditatis tuæ, habitántes solos in saltu, juxta dies antiquos.

Mic.  
7. c

Vi-

Vidébunt gentes, & confundentur super omni fortitudine sua. Quis Deus similis tui, qui auferis iniquitatem, & transis peccatum reliquiárum hæreditatis tuæ? non immittet ultra furórem suum, quoniam volens misericordiam est. Revertetur, & miserébitur nostri: deponet iniquitates nostras, & projiciet in profúndum maris ómnia peccata nostra. Dabis veritatem Jacob, misericordiam Abraham: quæ jurásti pátribus nostris à dièbus antiquis, Dómine Deus noster.

**PROPHETIA IV.**

**Lectio Zachariæ Prophetæ.**

Zac.  
8. c.

**I**N dièbus illis: Factum est verbum Domini ad me, dicens: Hæc dicit Dominus exer-

cituum: Sicút cogitávi ut affligerem vos, cum ad iracúndiam provocássent patres vestri me, dicit Dóminus, & non sum misértus: sic convérsus cogitávi in dièbus istis ut benefáciam domui Juda & Jerúsalem: nolite timére. Hæc sunt ergo verba, quæ faciétis: Loquímini veritatem unusquisque cum próximo suo: veritatem & judícium pacis judicáte in portis vestris. Et unusquisque malum contra amicum suum ne cogitétis in córdibus vestris: & juraméntum mendax ne diligátis: ómnia enim hæc sunt quæ odi, dicit Dóminus. Et factum est verbum Domini exercituum ad me, dicens: Hæc dicit Dóminus exercituum: Jejúnium quarti, & jejúnium quinti, & jejúnium séptimi, & jejúnium décimi erit domui

V 2

Ju-

Juda in gáudium & lætítiam & in solemnitátes præcláras: veritátem tantum & pacem diligite: dicit Dóminus exercítuum.

**PROPHETIA V.**

**Léctio Daniélis Prophét.**

Dan.  
3. c

**I**N diébus illis: Angelus Dómini descendit cum Azaría & sóciis ejus in fornâcem: & excússit flammam ignis de fornâce, & fecit médium fornâcis quasi ventum roris flantem. Flamma autem effundebátur super fornâcem cúbitis quadraginta novem: & erúpit, & incéndit quos réperit juxta fornâcem de Chaldæis ministros regis, qui eam incendébant. Et non tétigit eos omnínò ignis, neque contristávit, nec quidquam moléstiae íntulit. Tunc hi tres quasi

ex uno ore laudábant & glorificábant & benedicébant Deum in fornâce, dicétes.

**EPISTOLA.**

**Léctio Epístolæ Beáti Pauli Apóstoli ad Hebræos.**

**F**Ratres, Tabernáculum factum est primum, in quo erant candelábra & mensa, & propositio panum, quæ dicitur Sancta. Post velaméntum autem sécúndum, tabernáculum quod dicitur Sancta sanctorum, áureum habens thuríbulum, & arcam testaménti circumtéctam ex omni parte auro, in qua urna áurea habens manna, & virga Aaron quæ frondúerat, & tábulæ testaménti, superque eam erant Chérubim glóriæ obumbrántia propitiató-

Heb.  
9.

rium:

rium: de quibus non est modò dicéndum per singula. His verò ita compositis: in prióri quidem tabernáculo sempèr introíbant sacerdotes, sacrificiórum officia consummántes: in secúndo autem semèl in anno solus Póntifex non sine ságuine, quem offert pro sua & pópuli ignorantia: hoc significante Spíritu sancto, nondum propalátam esse sanctorum viam, adhuc prióre tabernáculo habénte statum. Quæ parábola est témporis instántis: juxta quam múnera & hóstiæ offerúntur, quæ non possunt juxta consciéntiam perféctum fácere serviéntem, solúmmodò in cibis & in pótibus, & váriis baptismátibus, & justítiis carnis usque ad témpus correctiónis ímpositis. Christus autem assistens

Póntifex futurórum bonórum, per ámplius & perféctius tabernáculum, non manufactum, id est, non hujus creatiónis; neque per ságuinem hircórum aut vitulórum, sed per próprium ságuinem introívit semel in Sancta, æténa redemptióne íventa.

**DOMINICA XVIII.  
post Pentecósten.**

**Léctio Epístolæ Beáti Pauli Apóstoli ad Corínthios.**

**F**Ratres, Grátias ago Deo meo sempèr pro vobis in grátia Dei, quæ data est vobis in Christo Jesu: quòd in ómnibus dívites facti estis in illo, in omni verbo, & in omni sciéntia: sicut testimónium Christi confirmátum est in vobis, ita ut nihil vobis de-

1.  
Cor.  
1.

sit

sit in ulla grátia, expectántibus revelatióem Dómini nostri Jesu Christi, qui & confirmábit vos usque in finem sine crimine in die advéntus Dómini nostri Jesu Christi.

**DOMINICA XIX.**  
post Pentecósten.

Léctio Epístolæ Beáti Pauli Apóstoli ad Ephésios.

Eph.  
4. d

**F**Ratres, Renovámini spíritu mentis vestræ, & induíte novum hóminem, qui secúndum Deum creátus est in justítia & sanctitáte veritátis. Propter quod deponétes mendácium, loquimini veritatem unusquisque cum próximo suo: quóniam sumus invicem membra. Irascimini, & nolíte peccáre: sol non occidat super iracúndiam vestram.

Nolite locum dare diabolo: qui furabatur, jam non furétur; magis autem labôret, operándo máibus suis quod bonum est, ut hábeat undè tríbuat necessitatem patienti.

**DOMINICA XX.**  
post Pentecósten.

Léctio Epístolæ Beáti Pauli Apóstoli ad Ephésios.

Eph.  
5. d

**F**Ratres, Vidéte quómodo cautè ambulétis: non quasi insipientes, sed ut sapientes: redimétes tempus, quóniam dies mali sunt. Propterea nolíte fieri imprudentes, sed intelligentes quæ sit volúntas Dei. Et nolíte inebriári vino, in quo est luxúria: sed implémini Spíritu sancto, loquéntes vobismetipsis in psalmis & hymnis & cánticis spiri-

tuá-

tuálibus, cantántes & psallétes in córdibus vestris Dómino, grátias ágétes sempèr pro ómnibus, in nómine Dómini nostri Jesu Christi Deo & Patri. Subjécti invicem in timóre Christi.

**DOMINICA XXI.**  
post Pentecósten.

Léctio Epístolæ Beáti Pauli Apóstoli ad Ephésios.

Eph.  
6. b

**F**Ratres, Confortámini in Dómino, & in poténtia virtútis ejus. Indúite vos armatúram Dei, ut possitis stare advérsus insídias diaboli: quóniam non est nobis colluctatio advérsus carnem & ságuinem, sed advérsus príncipes & potestátes, advérsus mundi rectóres tenebrárum harum, contra spirituália nequítiae, in cæléstibus.

Propterea accípíte armatúram Dei, ut possitis resistere in die malo, & in ómnibus perfécti stare. State ergo succíncti lumbos vestros in veritáte, & indúti lorícám justítiae, & calceáti pedes in præparatióne Evangélii pacis: in ómnibus sumétes scutum fidei, in quo possitis ómnia tela nequíssimi ignea extingueré: & gáleam salútis assúmite, & gládium spíritus, quod est verbum Dei.

**DOMINICA XXII.**  
post Pentecósten.

Léctio Epístolæ Beáti Pauli Apóstoli ad Philippenses.

Phil.  
1.

**F**Ratres, Confidimus in Dómino Jesu, quia qui cœpit in vobis opus bonum, perficiet usque in diem Christi Jesu. Sicut est mi-

hi

hi justum hoc sentire pro omnibus vobis: eò quòd habeam vos in corde, & in vinculis meis, & in defensione, & confirmatiòne Evangelii sócios gáudii mei omnes vos esse. Testis enim mihi est Deus, quòmodo cúpiam omnes vos in visceribus Jesu Christi. Et hoc oro ut cháritas vestra magis ac magis abúndet in sciéntia, & in omni sensu: ut probétis potiòra, ut sitis sincéri, & sine offénsa in diem Christi: repléti fructu justitiæ per Jesum Christum in glóriam & laudem Dei.

**DOMINICA XXIII.**  
post Pentecósten.

Quando non fúerit última post Pentecósten; quia si fúerit última, tunc loco vigésimæ tértiæ ponétur quæ inférius est vi-

gésima quarta. Et Epístola Domínicæ vigésimæ tértiæ dicétur in Sábbato præcedénti, non impedito Festo Dúplici, vel Semidúplici, alióquin in ália præcedénti Féria similítèr non impedita.

**Léctio Epístolæ Beáti Pauli Apóstoli ad Philippénes.**

**F**Ratres, Imitatóres mei estóte, & observáte eos qui itá ámbulant, sicút habétis formam nostram. Multi enim ámbulant, quos sæpè dicébam vobis (nunc autem & flens dico) inimicos crucis Christi, quorum finis intéritus: quorum Deus venter est: & glória in confusiòne ipsórum, qui terréna sapiunt. Nostra autem conversátió in cœlis est: undè etiám Salvatórem expec-

tâ-

tâmus p Dóminum nostrum Jesum Christum, qui reformábit corpus humilitátis nostræ, configurátum còrpori claritátis suæ, secúndum operatióne, qua etiám possit subjícere sibi omnia. Itaque fratres mei charísimi & desideratíssimi, gáudium meum, & corónam meam: sic state in Dómino, charísimi. Evódiam rogo, & Syntychen déprecor idípsum sápere in Dómino. Etiam rogo & te germáne compar, ádjuva illas, quæ mecum laboravérunt in Evangelio cum Cleméte, & céteris adjutóribus meis, quorum nómina sunt in libro vitæ.

Si Domínicæ post Pentecósten fúerint plures xxiv. tunc post xxiii. resumántur Epíst. Domínicarum, quæ superfuérunt post Epiphaniám (ut in-

frà post Domínicam xxiv.) hoc órdine.

Si Domínicæ fúerint xxv. in Domínica xxiv. dicetur Epíst. Domínicæ vi. post Epiphan.

Si fúerint xxvi. in Domínica xxiv. dicetur Epíst. Domínicæ quintæ post Epiphaniám: & in xxv. Epístola Domínicæ vi.

Si fúerint xxvii. in Domínica xxiv. dicetur Epíst. Domínicæ quartæ post Epiphan. in xxv. Domínicæ quintæ: & in vigésima sexta, Domínicæ sextæ.

Si fúerint viginti octo, in Domínica xxiv. dicetur Epíst. Domínicæ tértiæ post Epiphan. in xxv. Domínicæ quartæ: in vigésima sexta, Domínicæ quintæ: in Domínica vigésima séptima, Domínicæ sextæ.

Et último loco sempèr ponitur Missa Domí-

X

cæ